

Mää ja' käjp muum jakamën
tëkatsy ja' jënma'any tëkatsy ja'
jujkyäjtën tëkatsy ja' käjpxën
tëkatsy ja' jä'yën may ja' ää
ayuujk yajk mëët aty yää nääyx
wiiny.

Oy myëte'ep ayuujk mää päät yë
it nääyx y'äwtity yajk jaapy jëts letr
kojp.

Yë amäxän ää ayuujk ää jëts
inglés ää tu'uky jc' letr tmëëtët jëts
tëkatsy yajk kajpxy ejx kejpx
educación, wijën kajën,
education jatu'uk ayuujk txëë aty
griego, tëkatsy yajk jä'äy ΕΚΓ

Α'ΙΔΕΥΣ?.

Ja'yën ja' ää ja' käjpxën

Tsyäm meets x'ejxt x'mëtowt ku ja'
n'ää n'ayuujk jëte'ep atom yää
nkajpxyën ayuujk it jooty yajk
jaapy tam yë amäxänën.

Nën yë ää yë käjpxën yää nääjj
wiiny y'ity yajk jaapy jëts letr koj
jëte'n ja' ejxtänën tyany nekyxpy
jaapyety ëy pën tkäjpxt t'ejxt.

Ja unk ana ajk jup tpa ijxy jëts ta wi'
ta kejy jëts tnäw wi'x ja' mëj
jä'äytyëjk ojts tsyëenët tnäw tiyety
mum tuunëp jäjtëp ey ku jaajky
njakyujën jëts ja' n'ää ja'
nkäjpxën n'jä'yën nekyxpy
mpëitajkën ey pën tkäjpxt jëts
tnäwët wi'x ja' jënma'äny ja'
jujkyäjtën yajk mëet aty.

Wä'äts äjtën

Wä'äts njaak ejtën ja' et nääyx wiiny
mää ntsëna'yëm, nkajpxmujkëm
nmatyäjkmujkëm mëët ja' nmuku'uk
jëte'epety mëët ntsëna'yëm jënkon,
jëts na'amuk nëja'wën ntu'nën,
nnapyëtëjkyën.

Jëte'epety nna'amuk n'ejx ejtëm

- Nëēj kojpk, nëēj atäj, yë nëēj jëtep
yajk ukp, yë tten mëjk n'ejx ejtëm, kät
axëëkp pyatët.
- Wä'äts npaajtë'kën, njä'jxëjkën ja'
jëën tëjk.
- Kät jëyujk nmëët äjtën jëte'ep pä'am
tsëm ye'epy, tam tsuujkën, muju'uky,
pijxk.
- Wä'äts kaaky tojx xyajk oyëtët.
- Mpujp ja' ääy ujts jëte'ep yajk jëkxp.
- Mjaak eyëp tu'uk kaajpyajt.
- Këxam jëën mëj tääjx xyajk oyët.
- Mkojp pëtsëmtääjx jëts myajk tunk
päätp.

Ja' wijën kajën jap jënetypy tēketypy

Ja' unk teety, unk tääk tyanë ejxëp
xën ja' y'unk y'anä'äjk ja' tu'nën
tmëtsontä'äktët jëts ja' jyujky äjtën oy
tsuj tyajk tu' yo'oyty. Ja' kiixy anä'äjk
yajk ta në ejxëp xën ja' pitsy kyë'ëy,
xën ja' kyaaky tyojkx t'oytyunt, xën
pyajtë'ëkt jyä'jxë'ëkt. Jëts ja' mijxy
anä'äjk yajk tanë ejxëp xën kyäm
ntu'unt xën jyä'äxy tpoot, jëts xën
jyëët tsyatst, jëte'en ja' unk teety unk
tääk tyajk wijy tyajk kejy ja' y'unk
y'anä'äjk. Ja' wijën kajën jam te'en ja'
tsyontaaky jënotp tēkotp kät jamëp
mää ëjxpëjktäjkën. Mää anä'äjk
y'ëjxpëktën ja' yajk yujtëp letr jaaky
letr käjpxk jëts ja' matsyo'en amäxän.

Käm tunk

Mää atë'em n'it nkäjp yë jä'äy
nyiiptëp kyojtëp ja' moojk xëjk
tsux niyy ko'on tsi j käjwe yë xëjk
yajk tamëto'kp wenk käjp yë
moojk yajk taa winkoopëjcp
tsu'tsy wit ko'on niyy käjwe yë
käjwe jam yajk tooky wajkwimp
ku yë niyy myäjay ëts net yajk
tooky yë ko'on yä yë yajk jikxy
ëts yajk tëmt piky.